

ხელშეკრულება №70

სახელმწიფო შესყიდვის შესახებ

(კონსოლიდირებული ტენდერი № CON130000019)

ქ. თბილისი

„24“ „ივნისი“ 2013 წ.

ჩვენ, ერთის მხრივ ქ.თბილისის საკრებულოს აპარატი (მისამართი: ქ.თბილისი, ლერმონტოვის ქ. №10), შემდგომში წოდებული „შემსყიდველად“, წარმოდგენილი უფროსის მარინა დათუკიშვილის სახით, და მეორეს მხრივ შპს „ალგორითმი“ (მისამართი: ქ.თბილისი, ნუცუბიძის პირველი მიკრორაიონი, მე-3 კორპ. ბინა №27), შემდგომში წოდებული „მიმწოდებლად“, წარმოდგენილი დირექტორის გივი კორახაშვილის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის 20² მუხლის მე-4 პუნქტის, საფუძველზე, ვდებთ წინამდებარე ხელშეკრულებას.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარულიდღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი, ობიექტი და კლასიფიკატორის კოდი

2.1. ხელშეკრულების საგანს წარმოადგენს ქ.თბილისის საკრებულოს აპარატის 2013 წლის ბიუჯეტის სახსრებით 1 (ერთი) ცალი „მაგიდის კომპიუტერის“ (იხ. დანართი №1) სახელმწიფო შესყიდვა კონსოლიდირებული ტენდერის პირობების შესაბამისად.

2.2. ხელშეკრულების ობიექტს წარმოადგენს 1 (ერთი) ცალი „მაგიდის კომპიუტერის“ სახელმწიფო შესყიდვის საერთო ღირებულებაა 709 (შვიდასცხრა) ლარი.

2.3. კლასიფიკატორის კოდი – CPV 30200000; 30213300.

2.4. შესყიდვის განხორციელების საშუალება – კონსოლიდირებული ტენდერი.

3. ხელშეკრულების ფასი

3.1 ხელშეკრულების ღირებულება შეადგენს 709 (შვიდასცხრა) ლარს.

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს და საქართველოს კანონმდებლობით დადგენილ ყველა გადასახადს.

4. ხელშეკრულების შესრულების კონტროლი

4.1 შემსყიდველმა პროდუქციის მიწოდებისთანავე უნდა განახორციელოს კონტროლი და ზედამხედველობა მიმწოდებლის მიერ ნაკისრი ვალდებულებების შესრულებაზე. შემსყიდველის მხრიდან ხელშეკრულების პირობების შესრულების ინსპექტირებას განახორციელებს აპარატის მატერიალურ-ტექნიკური უზრუნველყოფის განყოფილება, ხოლო მიღება-ჩაბარების აქტზე შემსყიდველის მხრიდან ხელმოწერი პირია აპარატის მატერიალურ-ტექნიკური უზრუნველყოფის განყოფილების უფროსი ვ.თორთლაძე. მიღება-ჩაბარების აქტზე ხელმოწერაზე უარი წერილობით დასაბუთებული უნდა იქნეს შემსყიდველი ორგანიზაციის მიერ.

4.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

4.3. მიმწოდებელი პასუხისმგებელია მოწოდებული საქონლის ხარისხზე.

5. საქონლის მოწოდების ვადა და ადგილი

5.1. საქონლის მოწოდების ვადა: 1 ცალი „მაგიდის კომპიუტერის“ მოწოდება განხორციელდება ხელშეკრულების გაფორმების დღიდან არაუგვიანეს 2013 წლის 09 აგვისტომდე, მისამართზე ქ. თბილისი, ლერმონტოვის ქ. №10. შეტყობინების გაგზავნა მოხდება შემსყიდველის მიერ ელ.ფოსტის მეშვეობით: davidgamcemlidze@sakrebulo.ge.

6. ანგარიშსწორების ფორმა, ვადები და პირობები

6.1. ანგარიშსწორება მოხდება უნაღდო ანგარიშსწორებით ეროვნულ ვალუტაში, მიღება-ჩაბარების აქტის გაფორმებიდან 5 სამუშაო დღის განმავლობაში. ამასთან, მიმწოდებელმა უნდა წარმოადგინოს საგადასახადო ანგარიშ-ფაქტურა.

7. უფლებების გადაცემა

7.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

8. ხელშეკრულების პირობების შეუსრულებლობა

8.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ ვადაგადაცილებულ დღეზე ვადაგადაცილებული პროდუქციის ღირებულების 0.021%-ის ოდენობით.

8.2 წინამდებარე ხელშეკრულების მე-5 მუხლით განსაზღვრული გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0,02%-ის ოდენობით.

8.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9. ფორს-მაჟორი

9.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. დავების გადაწყვეტა

10.1. მხარეთა შორის სადაო საკითხი წყდება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

11. გარანტია

11.1. შესყიდვის ობიექტის სრულფასოვანი ფუნქციონირების საგარანტიო ვადია 3 (სამი) წელი, რომლის მიხედვითაც, დაზიანების შემთხვევაში მიმწოდებელი ვალდებულია შეაკეთოს დაზიანებული კომპიუტერი ან შეცვალოს ახლით 10 (ათი) სამუშაო დღის განმავლობაში.

12. ხელშეკრულების მოქმედების ვადა

12.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2013 წლის 30 სექტემბრის ჩათვლით.


13. სხვა პირობები

13.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

პერსონალური კომპიუტერი 1 ცალი	მონიტორი: Philips-226V4LSB/ სისტემური ბლოკი: Lenovo IDEACENTRE H520S- CPU: CORE™ i3-3210, RAM: 4gb, HDD: 500GB/ კლავიატურა: KME KB-1981U/ მაუსი: KME MOKO33-01	კომპლექსი
-------------------------------------	--	-----------


აპარატის უფროსი

მარინა დათუკიშვილი



დირექტორი

გივი კორახაშვილი



13.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

13. მხარეთა რეკვიზიტები:

შემსყიდველი:

მიმწოდებელი:

ქ.თბილისის საკრებულოს აპარატი
წარმოდგენილი უფროსის
მარინა დათუკიშვილის სახით,
მისამართი: ქ. თბილისი,
ლერმონტოვის ქ. №10,
საბანკო რეკვიზიტები:
სს „ლიბერთი ბანკი“,
ბ/კოდი: LBRTGE 22,
ა/ა GE 95 LB 012 515 210 162 7000,
ს/კ – 204 495 055

შპს „ალგორითმი“
წარმოდგენილი დირექტორის
გივი კორაბაშვილის სახით,
მისამართი: ქ. თბილისი, ნუცუბიძის I-ლი
მიკრორაიონი, მე-3 კორპუსი, ბ. №27,
საბანკო რეკვიზიტები:
სს „საქართველოს ბანკი“,
ბ/კოდი: BAGAGE22,
ა/ა GE 02 BG 000 000 027 234 6607,
ს/კ – 205 043 237

მარინა დათუკიშვილი

გივი კორაბაშვილი